

欽定盛京通志

以定盛京通志志卷之七十

國朝人物 六

正白旗滿洲

欽定盛京通志卷之七十

國朝人物

六

（正白旗滿洲）

扈爾漢。姓佟佳。隸正白旗滿洲。世居雅爾古塞。

太祖時從其父。扈喇虎率所部來歸

思遇之。賜姓覺羅。尋授一等大臣。居五大臣之列。費優

城長策穆特赫苦烏拉侵暴。願以戶口歸于我
扈爾漢從貝勒舒爾哈齊往遷之。將兵三百。衛
所遷五百戶先行。烏拉以萬人邀諸路。乃分兵

駐山巔。防守諸戶口。躬與揚古利率二百人直薄烏拉兵。力戰竟日。敵稍卻。我後兵繼至。大破之。歲丁未。從貝勒巴雅喇征東海窩集部。歲己酉。徇瑚葉路。盡降其部落。收二千戶而還。

太祖嘉之

賜號達爾漢。歲辛亥。偕何和里征瑚爾哈路。攻克扎庫塔城。歲癸丑。從征烏拉。並有功。天命元年。偕安費揚古征東海薩哈連部。至烏勒間河。剗舟二百。水陸並進。取河南北三十六寨。師抵黑龍江。

會冰結。以草藉馬蹄。蹴冰而渡。渡畢。冰輒解。衆皆驚喜爲神助。遂取江北十一寨。招降使犬。諾囉。錫拉忻。諸部而還。四年。明兵分四路來侵。從戰薩爾濟尙間崖。覆其二路兵。明總兵劉綎。復由寬甸口進棟鄂路。扈爾漢以兵千人。伏山隘。擢其前鋒。與大軍夾擊。綎于阿布達哩岡。綎倉猝不及陣。殲其兵五萬人。綎戰死。明年。從攻瀋陽。擊敗明總兵賀世賢軍。游進爵至三等子。八年。卒。年四十八。

太祖親臨哭之。以其子琿塔襲。

薩穆什喀。姓佟佳。隸正白旗滿洲。扈爾漢第三弟也。少從征伐。積功授三等輕車都尉世職。天命中。征棟奎。以十二人斬百級。獲礮五十三。牲畜千計。功最。

太宗卽位。列十六大臣。天聰四年。從攻灤州。明兵出城戰。射却之。遂乘勝拔其城。七年。從攻旅順口。率其弟雅賚。與步軍統領巴奇蘭。聯舟進。明兵拒戰于崖。被創。復裏創戰城下。益厲。大軍繼至。破

之凱旋。

太宗勞于郊。

親酌金卮以賜。加一等輕車都尉。八年。任叅領。副巴奇蘭。征瑚爾哈部。降之。加三等男。進步軍統領。崇德元年。從入長城。分兵攻容城縣。先登。二年。授議政大臣。從攻皮島。督前鋒先濟鴨綠江。與都統阿山。葉臣等攻克之。斬其守將沈世奎。晉二等。予任工部承政。四年。偕刑部承政索海。分統左右翼兵征索倫部。攻克烏庫爾城。移兵攻鐸

陳城。未下城中兵結別部阿薩津爲援。合衆戰。乃設伏要隘。引敵前。夾擊之。斬七十人。師還。烏魯蘇酋博穆博果爾以兵邀于路。奪我正藍旗輜重。索海戰敗之。薩穆什喀不會戰。且爭功。坐削世職。七年。從攻錦州。列寨柵以圍之。明將悉衆來犯。勢銳甚。薩穆什喀力戰。三敗之。錦州旣克。復授騎都尉世職。八年。以疾卒。子洛什。於崇德中。從征朝鮮。及明錦州杏山。屢著戰功。後襲職。

雅賚。姓佟佳。隸正白旗滿洲。扈爾漢第七弟也。

太祖時征烏拉。略地朝鮮。攻遼東。征察哈爾俱有功。天

聰三年。以兵徇海島。遇明故將毛文龍部衆。斬

六十人。毀其船。尋偕額駙揚古利。追捕雅爾古。

復遇文龍部衆。斬九十六人。擒其千總三人。以

歸。從大軍征明。薄燕京城。明督師袁崇煥來援。

犯我護軍營。城中兵亦出應。雅賚力戰卻之。五

年。從圍大凌河城。戰輒捷。七年。攻旅順口。與其

兄薩穆什喀駕輕舸先濟。明將黃龍陳兵于岸。

雅賚躍登岸。大呼突入陣。奮擊之。龍不能軍。斂兵至城下。再戰。雅賚身被創。戰愈力。大敗之。卒拔其城。論功。授騎都尉世職。崇德二年。授議政大臣。六年。從圍錦州。戰松山。七年。冬。從入薊州。下山東。以功加一雲騎尉。順治元年。從睿親王多爾袞。破李自成于山海關。定燕京。二年。復從豫親王多鐸。破賊潼關。平定河南江南。屢進一等男。兼一雲騎尉。八年。擢戶部尚書。以同官巴哈納給餉不均。坐徇隱。論罪。罰贖。尋罷。康熙三

年卒。

賜祭葬如例。子花色襲。

康果禮。先世居那木都魯。以地爲氏。歲庚戌。大兵征東海窩集部。康果禮以綏芬屯長。與其弟喀克都哩等。率所部來歸。授爵三第子。俾轄其部人爲佐領。隸滿洲正白旗。尋以貝勒穆爾哈齊女妻之。封和碩額駙。天命三年。大兵取撫順。克撫安三岔等十一堡。進取鴉鶻關。破清河城。康果禮並在事有功。六年。從克瀋陽。先登。

太宗卽位。列十六大臣。擢護軍統領。天聰元年。從丁貝勒阿敏征朝鮮。有功。分

賜所俘獲。三年。從入紅山口。下遼化。薄燕京。明薊遼督師袁崇煥。錦州總兵祖大壽。率兵二萬赴援。屯廣渠門外。康果禮擊敗之。未至城濠而返。坐奪爵。五年卒。子色琥。德承。並爲佐領。邁色。爲護軍叅領。從戰塔山。歿於陣。第四子賚塔。別有傳。喀克都哩。和碩額駙康果禮之弟也。初授爵爲三等子。

太宗卽位。任都統。天聰元年。從征朝鮮有功。三年。太宗親統大軍征明。攻遼化城。喀克都哩督所部卒薩木哈圖先登。城遂拔。

太宗親酌金卮勞之。

賚予甚厚。晉爵二等子。

賜號噶思哈巴圖魯。言其勇敢善戰。疾如飛鳥也。明年。

大軍克永平。明兵潰走昌黎。遂遣敖漢巴林扎
噶特諸部兵攻其城。不克。乃

命喀克都哩往助之。先是叙遼化功。薩木哈圖授騎都

尉世職。

賜號巴圖魯。且

諡喀克都哩曰。拔一望城易得一勇士難。如薩木哈圖者。宜共愛惜之。嗣後攻戰。戒其無復爲軍鋒。至是攻昌黎。薩本哈圖復樹雲梯將登。

太宗亟命止之。五年五月。喀克都哩偕都統楞額禮。往攻南海島。徵戰艦于朝鮮。未至。師次海濱。明兵屢邀戰。並擊敗之。八月。從圍大凌河城。分兵攻其城東北。城中食盡。明總兵祖大壽降。乃班師。

六年。從征察哈爾。有俘獲。七年。

太宗集諸貝勒大臣。

詢以征明。及朝鮮。察哈爾。宜何先。喀克都哩請先征明。
以承

天眷。協人情。

太祖甚嘉納之。八年。卒。

蘇納。姓納喇。先世居葉赫。

太祖時。棄其族人來歸。尙主爲額。駙任佐領。隸滿洲正
白旗。天命十年。進叅領。從征有功。擢副都統。天

聰元年。從攻錦州。以勁旅扼塔山西。擊敗明兵二千。三年春。率八十人徇察哈爾。降其戶二千。比降者。矚我兵少。謀叛歸明。乃殲其桀驁者。俘其渠二。及八千餘口以還。未幾。察哈爾降人復有叛歸明者。率兵四百追躡之。所擒獲甚衆。五年。授護軍統領。擢兵部承政。從圍大凌河城。城中兵出拒戰。擊敗之。復敗其錦州援兵。叙功授騎都尉世職。八年。考滿晉三等輕車都尉。九年五月。坐匿所部丁壯。不報。奪世職。七月。任都統。

崇德元年。從武英郡王阿濟格。征明。攻克鵬鶚。長安諸堡。及昌平容城等州縣。五十六戰皆捷。是年冬。從征朝鮮。擊敗寧邊城援兵。擒其將于陣。三年。有訐都統阿山子塞赫臨陣退縮者。引蘇納證之。及鞫訊不實。遂罷都統。仍任佐領如故。順治五年。卒。子蘇克薩哈。以功授三等輕車都尉。

世

祖念蘇納舊勞。追復其世職。令蘇克薩哈併襲爲三等男。